

ԵԿԵՂԵՑՈՒ ՕԾՈՒՄ ՀՐԱԶԴԱՆ ՔԱՂԱՔՈՒՄ

Դեկտեմբերի 6-ին Հայաստանյայց Առաքելական Սուրբ Եկեղեցու Կոտայքի թեմի առաջնորդ Ս. Առաքել եպիսկոպոս Քարամյանի ձեռամբ վերածվեց Կոտայքի մարզի Հրազդան քաղաքի Ջրառատ թաղամասում գտնվող Ս. Կարապետ եկեղեցին, որը կառուցվել է 1628 թ. Աստվածատուր երեցի կողմից: Այն վերակառուցվել է ռուսաստանաբնակ գործարար Աշոտ Գևորգյանի հովանավորությամբ:

Վերածումից հետո ներկաներին իր օրհնությունն ու բարեմաղթանքը փոխանցեց առաջնորդ Սրբազան Հայրը՝ ընգծելով, որ եկեղեցու քարեղեն կառույցը պետք է մեր հոգու և սրտի տաճարը դարձնենք՝ աղոթքով և եկեղեցական արարողություններին մեր մասնակցությամբ: Առաքել Սրբազանը նաև իր գնահատանքը փոխանցեց Ս. Կարապետ եկեղեցու վերակառուցման բարերարին՝ հույս հայտնելով, որ վերածված եկեղեցին օրհնություն կլինի ողջ Հրազդան քաղաքի համար:

Վերածման արարողությանը ներկա էին Հրազդանի քաղաքապետ Արամ Դանիելյանը, այլ պաշտոնատար անձինք, Կոտայքի թեմի հոգևոր սպասավորները:

*ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*